

Servicio Central di Bombero a señala **Lugarnan caminda evento di Carnaval ta tuma lugar mester tene cuenta reglanan di preveccion**

ORANJESTAD(AAN) -- Actualmente tur hende ta den ambiente di carnaval. Den tur e alegria mester tene cuenta tambe cu cierto reglanan pa asina tur cos por bay ordena.



Ayera tardi a yega Aruba sra. Irene Lucie Marie Beusekamp-Fabert. Sra. Beusekamp-Fabert tin conosemento amplio den educacion escolar y administracion y ayera noch el a tene un lectura den Cas di Cultura titula "Kico AMORC ta en realidad". Na aeropuerto sra. Beusekamp-Fabert a ser ricibi pa miembronan di Orden Rosacruz Amorc hunto cu e maestro Aruba Chapter sr. Stanley Dabian.

Den clubnan, stadion etc. multitud grandi di hendenan ta acudi pa mira sea eleccion di reina, festival di tumba etc.

Servicio Central di Bombero ta recomenda e doñonan y e organisadornan pa laga controla tur medio pa combati candela den e lugarnan unda e eventonan ta tuma lugar.

Tambe mester tene cuenta cu no por laga un lugar yena completamente cu hende sin tene cuenta cu e capacidad di e lugar. Tambe no mester lubida ariba e salidanan di emergencia cu mester tin den cada edificio den caso cu mester evacua personanan.

E salidanan aki no por ta na lock. Servicio Central di Bombero ta pidi tur esnan concerni pa tene cuenta cu e reglanan aki y seccion di prevencion ta semper cla pa duna consehonan.

Durante e periodo di 9 pa 15 di Januari Servicio Central di Bombero a realiza e siguiente actividadnan. A sali tres vez pa combati candela di sushi na Savaneta Kamp, Biblioteca Nacional y G.M.Carrental.

Personal di Bombero a sali pa combati un candela di auto, a duna un servicio na Casi Bari Rock Formation y tambe a haci control di prevencion na e siguiente schoolnan: John F.Kennedy School, School Tecnico na Tarabana, School Scucha Nos, Martin Luther King School, Ir. Cesare Terzano M.T.S. y Paso Sigur Huishoudschool.

Na aeropuerto internacional Reina Beatrix bombero tabata standby 11 vez ora tabata yena combustible den avionnan grandi cu pasahero abordo.

Exitante Show den Bon Bini Festival

ORANJESTAD(AAN) -- Diamars awor lo tin otro Bon Bini Festival cuminzando pa 6.30 or te 8.30 or di auochi na Fort Zoutman.

E festival lo tin presentacion di grupo tipico "Ola Tropical" bao direccion di Richardo van der Biezen, un show di grupo di carnaval di Jacqueline Wever, grupo di baile "Flor di Palisia" bao direccion di Marcial Kock, grupo di baile "Picilin" bao direccion di Beta Croeze y Yvette Quandus.

Lo tin standnan di artesanía, cos dushi y cushina. Hotel Talk of the Town lo ta encarga cu e bar y "Skina Contento" lo ta encarga cu e cushina.

Telex pa Gobernador tocante Promocion for di orden

ORANJESTAD(AAN)- Presidente di Sepa, Sr. Gregorio Wolff a manda un telex pa sr. Gobernador di Aruba tocante di e promocionnan for di orden.

E telex ta bisa como lo siguiente:

Sr. Gobernador
Presente

Topico: Promocionnan for di orden.

Den ultimo combersacion cu sindicatonan aña pasa relaciona cu un gabinete temporario, sr. Gobernador a expresa cu lo vigila tur promocionnan cu ta for di orden. Remarcable ta cu e gobierno demisionario saliente ta den su ultimo fase di funcionamiento y tin fuerte indicacionnan den rumbo di promocionnan for di orden.

Sindicato SEPA, saliendo na vanguardia di empleadonan publico y bienestar general ta spera cu sr. Gobernador lo sabi na tuma e pasonan corecto y no tolera cualkier actuacion for di orden di e gobierno saliente.

Sindicalmente
Gregorio Wolff
Presidente SEPA".



Discovery Tours ayera a baha un glasbottomboat special den lamar. Segun informenan ricibi for di sr. Brete cu e boto aki tin luz special instala cu por ser uza tambe den oranan di anochi y ta carga 50 persona. Ta intencion pa laga pone un floating office na altura di Americana Hotel pa e boto aki. Den corto tempo segun entendi lo cuminsa cu operacion di e boto aki.



INTERBANK
ARUBA N.V.

Bo ta pensando ariba bo futuro?

Habri
awe mes un

CUENTA DI SPAAR

y bo ta ricibi

5 1/4 %

di interes anualmente

Llama:.....INTERBANK

telefoon:31080/27720

of pasa cerca nos.